



Služba za imovinsko-pravne poslove, geodetske poslove i katastar

Broj: 06/1-31-sl/14
Ilijaš, 14.02.2014. god.

**STRUČNA SLUŽBA OPĆINSKOG VIJEĆA
I OPĆINSKOG NAČELNIKA**

PREDMET: Odgovor na inicijativu vijećnika,-

Povodom inicijative Seada Šehića – vijećnik SBB-a

1. "Postavljam pitanje u kojem zahtijevam da se navede ime i prezime pravnog lica koje je vodilo predmet u vezi prava služnosti puta u Starom Ilijašu, a na koje se odnosi predhodna inicijativa iz siljedeći razloga:

- ima elemenata o nesavjesnom vršenju svog posla,
- elemenata prevare u Službi
- kršenje principa upravnog postupka, pogotovo principa zakonitosti

Grupa građana MZ-e Stari Ilijaš obratila se dana 25.01.2010. godine Službi za imovinsko pravne poslove, geodetske poslove i katastar Općine Ilijaš sa inicijativom za raspravljanje uzurpacije putnog zemljišta označenog kao k.č.br. 355/9 po kulturi njiva "Romandića polje" upisana u zk.ul.br. 2970 K.O. SP_Donja Vogošća od strane Brahović Sabedina sina Asima iz Starog Ilijaša.

Dana 22.04.2010. godine Služba je na licu mjesta održala usmenu raspravu u prisustvu stručnog lica geodetske struke i ostalih zainteresovanih stranaka kojom prilikom je utvrđeno da je parcela označena kao k.č.br. 355/9 nastala cijepanjem od osnovne parcele 1980. godine kada je predmetno zemljište pripremano za postupak eksproprijacije radi proširenja izgradnje fabrike "Bosna" Ilijaš. Istoj parceli odgovara k.č.br. 1369/1 po novom premjeru i ona u naravi predstavlja putnu komunikaciju i kao takva je prijavnim listom "B" broj 24/84 prijavljena u katastarskom operatu kao put – javno dobro sa upisanim državnim vlasništvom sa dijelom 1/1.

Istom prilikom doneseno je rješenje o promjeni u katastarskom operetu koje je pravomoćno i kao takvo predstavlja stanje evidencije navedenog zemljišta u katastarskom operatu o promjeni upisa posjednika.

2002 godine izvršeno je snimanje fabričkog kruga odnosno preduzeća "Intal Bosna" Ilijaš i tom prilikom je sačinjen prijavni list "B" broj 76/2006 kojim je parcela 1369/1 upisana kao državno vlasništvo sa obimom posjeda 1/1 po kulturi pristupni put u površini od 1206 m². Tako je parcela označena kao k.č.br. 1369/1 nastala spajanjem ranije eksproprijisanih dijelova parcela označenih kao k.č.br. 354/37, 354/17, 354/31, 354/28, 354/26, 354/23, 354/20, 354/18 i 355/9.

U prvostepenom postupku Služba za imovinsko pravne poslove, geodetske poslove i katastar donijela je rješenje br: 06/1-31-198/10 od 26.04.2010. godine kojim se Brahović



Služba za imovinsko-pravne poslove, geodetske poslove i katastar

Sabedinu sinu Asima kao uzurpantu nalaže da napusti uzurpirano zemljište u dužini od 40 m i širini od 1 m. Protiv navedenog rješenja Brahović Sabedin uložio je žalbu Federalnoj upravi za geodetske i imovinsko pravne poslove Sarajevo koja je svojim rješenjem br. 05-31-2-874/10 od 10.06.2010. godine odbila žalbu Brahović Sabedina iz Ilijaša izjavljena protiv rješenja Službe za imovinsko pravne poslove, geodetske poslove i katastar Općine Ilijaš br. 06/1-31-198/10 od 26.04.2010. godine. Brahović Sabedin uložio je tužbu protiv rješenja Federalne uprave za geodetske i imovinsko pravne poslove Sarajevo i pokrenuo upravni spor kod Kantonalnog suda u Sarajevu. Kantonalni sud u Sarajevu u upravnom sporu tužitelja Brahović Sabedina iz Starog Ilijaša protiv tužene Federalne uprave za geodetske i imovinsko pravne poslove Sarajevo radi poništenja rješenja broj: 05-31-2-874/10 od 10.06.2010. godine donio je presudu broj: 09 0 U 009909 10 U od 02.09.2013. godine kojom se tužba uvažava a osporeno i prvostepeno rješenje poništava i predmet vraća prvostepenom organu na ponovni postupak.

U ponovnom postupku postupajući prema uputama iz presude Kantonalnog suda Sarajevo broj: 09 0 U 009909 10 U od 02.09.2013. godine održana je usmena rasprava u prostorijama Službe za imovinsko pravne poslove, geodetske poslove i katastar Općine Ilijaš dana 22.01.2014. godine uz prisustvo geodete Službe, Predsjednika Savjeta MZ-e Stari Ilijaš i Brahović Asima otac Brahović Sabedina.

Obzirom na činjenicu da Brahović Asim nije opunomoćen od strane Brahović Sabedina izjavu nismo mogli uzeti od istog tako da je Brahović Asim izjavio da će Brahović Sabedin istu dostaviti naknadno u pisanoj formi nakon čega će se donijeti rješenje u skladu sa zakonskim odredbama.

Kako je dakle postupak po inicijativi za raspravljanje uzurpacije putnog zemljišta upućenog od grupe građana MZ-e Stari Ilijaš, još u toku cijenimo da su ispoštovani u toku rješavanja istog, svi zakonom propisani rokovi te Zakonom predviđena sva pravna sredstva, to cijenimo da su u radu kako voditelja postupka, tako i Službe nije bilo elemenata nesavjesnog vršenja posla, prevare u Službi te kršenja principa upravnog postupka pogotovo načela zakonitosti.

2. Postavljam pitanje nadležnoj općinskoj službi, a tiče se sljedećeg: koliko je javno dobro željeznica FBiH i Željeznica bivše Austrougarske na općini Ilijaš. Da li su ta javna dobra uzurpirana i ako jesu ko ih je uzurpirao?

Zatim pitanje koliki je po zakonu zaštitni obalni pojas od korita rijeke Misoča, Stavnja, Bosna – normalno u mjestima u Općini Ilijaš, da li je uzurpiran i ako jeste ko ih je uzurpirao?

Na osnovu uvida u posjedovne listove za K.O. Ilijaš Grad, K.O. Podgora I, K.O. Vogošća, K.O. Elešehovići utvrđeno je da je na Željeznicama F BiH upisano željezničko zemljište u površini od 10122 m² s tim da u Službi za imovinsko pravne poslove, geodetske poslove i katastar nema registrovanih predmeta kao ni inicijativa za pokretanje postupka za raspravljanje uzurpacija.

U skladu sa odredbama člana 7. Zakona o vodama ("Službene novine F BiH", br. 70/06) priobalni zaštitni pojas od granice obale rijeka Misoče, Stavnje i Bosne je 15 m s tim da takođe u Službi nema registrovanih predmeta koji se odnose na uzurpaciju zaštitnog obalnog pojasa kao ni inicijativa za pokretanje postupka za raspravljanje uzurpacija.



BOSNA I HERCEGOVINA
Federacija Bosne i Hercegovine
KANTON SARAJEVO
OPĆINA ILIJAŠ
OPĆINSKI NAČELNIK



BOSNIA AND HERZEGOVINA
Federatin od Bosnia and Herzegovina
CANTON SARAJEVO
Municipality of Ilijas
MAYOR OF MUNICIPALITY

Služba za imovinsko-pravne poslove, geodetske poslove i katastar

Po sticanju uslova, prije svega potrebnog vremena za angažovanje Službe ova će po službenoj dužnosti uraditi odnosno pokrenutu procedure za raspravljanje uzurpacija na zemljištima zaštitnog obalnog pojasa pomenutih rijeka.

Služba za imovinsko pravne poslove
geodetske poslove i katastar

